



Golf Savez
Bosne i Hercegovine
Golf Association
Bosnia and Herzegovina

**PRAVILNIK
O VOĐENJU HANDICAPA
U Bosni i Hercegovini**

Golf Asocijacija Bosne i Hercegovine je početkom 2010 donijela odluku i opredijelila se u „tehničko – takmičarskom pravilniku GABiH“ da se na području BiH uvede novi Handicap sistem, koji je uveden ili se uvodi u većini europskih zemalja osim Engleske. Novi sistem se naziva „EGA handicap sistem“ i oblikovan je tako da se u cijeloj Europi uvede jedinstveni i pravedni sistem vođenja Handicapa za dame i gospodu.

Golferi se susreću s novim sistemom već od početka sezone. Na prvi pogled cijeli sistem izgleda komplicirano, prvenstveno zbog načina izračunavanja koji se upotrebljava u novom sistemu. Sam sistem uvodi neke novosti na koje nismo navikli a nismo ni znali da postoje. Zbog toga u nastavku ćemo pokušati ukratko objasniti osnovne pojmove, značajke sistema i najznačajnije promijene.

1. Postupak ocjenjivanja i uvođenja sistema

EGA (Europska Golf Asocijacija) je u svojim pravilima objasnila koja je namjena EGA handicap sistema

- Postići jednakost i jednoobraznost vođenja handicap u cijeloj Europi
- Ostvariti pravedne handicape, koji sadržavaju osobnosti igrača i igračima s različitim sposobnostima omogućavati da se takmiče na jednakovrijednoj osnovi
- Omogućava igračima golfa, raspoređenim od 2. Do 5. Handicap kategorije, da uvježbavaju dostignute rezultate za vođenje handicap također i kroz kvalifikacijska takmičenja
- Da se ne računaju visoki brojevi udaraca na jednoj ili više rupa, jer ne odražavaju stvarne mogućnosti igrača
- Omogućiti prijenos stvarnih EGA handicap s jednog na drugo igralište kao i igru s različitim tee-jeva na istom igralištu
- Omogućiti takve igrajuće handicape koji se prilagođavaju na relativnu težinu igranja (ocjena igrališta i karakteristika) igrališta, koje će igrač odigrati

2. Što se mijenja ?

Novi sistem uvodi nekoliko promjena. Više se ne govori o SSS i broju bodova koje je bilo potrebno doseći na određenom igralištu. Na svim igralištima ćemo odigrati svoj handicap, ako dobijemo 36 neto stableford bodova. Postoje tabele s puno brojeva, koji predstavljaju novi sistem koji pokazuje „EGA Exact HCP“ i „EGA Playing HCP“

Da pojednostavimo, to znači da ćemo na svakom igralištu igrati s različitim „Playing HCP“. Do sada su svi igrači i igračice dobili jednak broj udaraca prednosti ili otežanja. Po novome sistemu, prednost ili otežanje je izraženo kroz Playing HCP i ovisno je o težini ocjene samoga igrališta te važećeg Exact HCPa.

Igrače upozoravamo da će ako igraju u inozemstvu, morati prijavljivati svoj Exact HCP i to izražen na jednu decimalu (14,6 a ne 15 kao do sada)

Mijenjaju se Handicap kategorije kao i Buffer zone, koje potvrđuju da li smo odigrali svoj handicap. Po novom sistemu, se svi rezultati pretvaraju u Stableford bodove, pa i u slučaju Stroke igre. Sistem tada precizno određuje uvjete i način provođenja takmičenja za promjenu handicap.

Kao novost najavljujemo i „Posebni dan za handicap“ (EDS – Extra Day Score) Novi sistem dozvoljava da nosilac licence GABiH, raspiše dane kada se može igrati za HCP pa i izvan redovnih turnira za handicap. U praksi, a prema Odluci UO Golf Asocijacije Bosne i Hercegovine, naravno i u dogovoru sa igralištem VF-a u Sarajevu, EDS je svake srijede u Sarajevu. Najavimo se putem www.bhgolf.ba/raspored-turnira ili na recepciji igrališta VF-a 24 sata odnosno u utorak i ako ima minimalno 3 igrača, rezultat vrijedi za spuštanje i podizanje HCP-a.

U nastavku je Pravilnik o HCP-u.

PRAVILNIK O HCP-u u Bosni i Hercegovini

1. OPĆE ODLUKE

Član 1.

Ovaj pravilnik uređuje uvjete i način vođenja handicap a za sve članove GABIH (Golf Asocijacije Bosne i Hercegovine). Handicapi se vode po prilagođenom EGA načinu, ako tim pravilnikom nije drugačije odlučeno.

Zvanične Handicape kao i evidenciju vodi GABIH putem www.bhgolf.ba za sve igrače golfa u Bosni i Hercegovini koji su u sastavu GABIH-a.

Član 2.

Način izračunavanja i vođenja handicap a po EGA sustavu, bit će objavljen na www.bhgolf.ba u rubrici GABIH

Član 3.

Za pravilnost vođenja handicap a je odgovoran Odbor za handicap koji imenuje UO GABIH -a. Odbor se sastoji od predsjednika i dva člana.

Član 4.

GABIH jamči jedinstvenost sustava(sistema) za vođenje handicap a, koji vrijedi za sve klubove koji su u sastavu GABIH-a i za njihove članove.

Član 5.

Objavljivanje HCP-a je isključivo u nadležnosti portala www.bhgolf.ba. i klubovi mogu slobodno preuzimati i koristiti HCP igrača sa Portala.

Član 6.

Početni HCP za evidenciju je 54.

2. PRAVA I DUŽNOSTI KLUBOVA

Član 7.

Svaki klub koji je u članstvu u GABIH-u, pristaje na vođenje HCP-a u nadležnosti GABIH-a odnosno Odbora za vođenje handicap a GABIH -a (u daljnjem tekstu: Handicap Odbor GABIH -a).

Član 8.

Klub uplaćuje sredstva na žiro račun GABIH-a za svakog igrača koji je u evidenciji HCP-a. Iznos sredstava koji se uplaćuje, GABIH je obavezan dostaviti klubu kao i svaku promjenu. Sredstva za evidenciju HCP-a se uplaćuju najkasnije do 15.03. za narednu godinu i za igrače koji su već u evidenciji HCP-a. Ako se ne izmire obaveze za evidenciju HCP-a do određenog datuma HCP centar će brisati igrača sa liste i ponovno stavljanje na listu se plaća prema slijedećem izračunu:

Iznos za evidenciju $x 2 =$ ponovno stavljanje igrača u evidenciju.

Član 9.

U slučaju da je u toku godine bilo kojeg datuma do 24.12., prijavljen novi igrač za evidenciju HCP-a plaća isti iznos kao i igrači koji su već u evidenciji HCP-a za tekuću godinu.

Član 10.

Klub ima svoj klubski Odbor za HCP koji nema pravo mijenjati HCP određenog člana kluba nego predlagati HCP odboru GABIH-a promjene HCP za određene igrače.

Klub imenuje osobu koja je zadužena za kontakte sa PORTALOM www.bhgolf.ba. i obavještava isti o imenu osobe za kontakt sa Portalom, kao i promjene lica koja su zadužena za suradnju sa Portalom.

Klub je dužan GABIH -u poslati popis članova Odbora za handicap.

Prijava vlastitog Odbora za handicap je uvjet za dobivanje pristupa do središnje baze članova s pravom unosa i promjene handicapa.

Član 11.

Klub nema pravo, prema Članu 6., mijenjati handicape svojih članova. Promjena HCP-a je isključivo u nadležnosti GABIH-a . Sve promjene handicapa, koje su napravljene na prijedlog Handicap Odbora Kluba, moraju imati podloge u:

- komisijskom zapisniku koji su potpisala sva tri člana Odbora
- potvrđenoj kartici igrača ili regularnoj listi rezultata s turnira izvan zemlje
- fotokopiji članske kartice priznatoga golfskog kluba u inozemstvu, ako se radi o handicapu novih članova koji su već članovi nekog golfskog kluba u inozemstvu.

Član 12.

Kopije svih dokumenata klub je dužan jedanput na mjesec slati u GABIH. Ako odgovarajući Odbor GABIH ustanovi da promjena handicapa, koju je odradio klupski Odbor za handicap, nije u skladu s ovim Pravilnikom, Odbor GABIH-a ima pravo promijeniti Odluku klupskog Odbora.

U slučaju da klupski Odbor za handicap ponovi pogreške i kršenja vođenja handicapa , Odbor za Handicap GABIH -a ima pravo klubu oduzeti pravo na posredovanje u vođenju handicapa za njihove članove. Odbor o tome donosi pisanu odluku, na koju klub ima pravo žalbe Izvršnom Odboru GABIH -a.

3. OBVEZE IGRAČA KLUBA - ČLANA GABIH -a

Član 13.

Igrač mora imati minimum 54 hcp kako bi se svrstao u evidenciju HCP-a.(Pogledati Pravilnik o DI). Svaki igrač ima svoj broj i šifru za pristup osobnom HCP centru. Portal je obavezan da svake godine izda nove kartice za pristup HCP centru, odnosno najkasnije u roku od 10 dana da izda karticu novo prijavljenog člana za evidenciju HCP-a.

Svaki igrač je dužan voditi brigu o pravilnom vođenju svojeg handicapa i u slučaju nepravilnosti pri izračunu istoga, za njega ili drugog člana, upozoriti klupski Odbor za handicap ili GABIH Odbor putem mail-a info@bhgolf.ba. Osoblje igrališta ili organizatori turnira nemaju pravo mijenjati handicape.

Svako pogrešno prijavljivanje HCP-a na turnirima biti će sankcionisano prema Pravilniku GABIH-a.

Član 14.

Svi turniri koji se igraju na području Bosne i Hercegovine i uredno su prijavljeni za promjenu handicapa, automatski se obračunavaju za promjenu handicapa.

Član 15.

Igrač može promijeniti handicap samo na uredno prijavljenom turniru na području BiH ili na turniru koji se računa za promjenu handicapu izvan granica BiH. Runda golfa koju igrač igra s priznatim PGA učiteljem ne može se računati za promjenu handicapu. Lokalni PGA učitelj predlaže Klupskom Odboru za handicap, promjenu handicapu igrača, ako njegova igra ne odražava realno stanje njegova handicapu.

Član 16.

U slučaju da igrač igra u inozemstvu, dužan je dojaviti rezultate, ako je turnir bio prijavljen za promjenu handicapu. Prijava odlaska na turnir se vrši isključivo putem mail-a **info@bhgolf.ba**, minimum 24 sata prije odlaska na turnir. Ako igrač ne najavi odlazak na turnir 24 sata prije turnira HCP centar smatraće da igrač nije ni bio na turniru.

Član 17.

Kao dokaz za promjenu handicapu, računa se potvrđena kartica rezultata (scorecard), uredan ispis rezultata koji potvrđuje organizator ili objavljivanje rezultata na internet stranicama priznatih klubova ili Asocijacija sa potpunim podacima koji su potrebni za izračun HCP-a.

Član 18.

Članovi selekcija GABIH -a dužni su prijaviti rezultate turnira u inozemstvu. Ako član ne prijavi rezultate GABIH -u, Odbor za handicap ima pravo podnijeti disciplinsku prijavu, u skladu s disciplinskim pravilnikom GABIH -a.

Član 19.

Prije igranja na golfskom igralištu, svaki član mora imati DI, kojim potvrđuje da posjeduje dovoljnu razinu znanja igranja golfa, poznavanja pravila i poštivanja etike golfa. (Pravilnik o DI Bosne i Hercegovine)

Član 20.

Igrač koji se prijavi za turnir, a nije se odjavio u predviđenom roku za odjavu prijave, plaća kaznu u iznosu od 100,00 KM na račun GABIH-a i dodaje mu se na postojeći HCP određen broj kao da je igrao, a nije odigrao svoj HCP.

Član 21.

Za dobivanje DI-a pogledati PRAVILNIK O DI BOSNE I HERCEGOVINE.

4. PROMJENA HANDICAPA NA RAZINI ASOCIJACIJE

Član 22.

Izvršni Odbor GABIH -a imenuje Odbor za vođenje handicap (Odbor za handicap), koji je sastavljen od predsjednika i 2 člana. Jedan od članova Odbora mora biti i predstavnik PGA. Pri imenovanju komisije, Upravni odbor GABIH -a poštivat će regionalnu zastupljenost svojih članica. Uloga Odbora za handicap je nadzor upotrebe dokumenata za promjenu handicap, koordinacija rada klupskih Odbora za handicap, edukacija njihovih članova, rješavanje problema uz promjenu handicap koji nisu bili riješeni na klupskoj razini ili komisijskoj promjeni handicap koju su predlagali članovi i izbornik, te rješavanje pritužbi članova GABIH -a na izračun handicap.

Član 23.

Izbornici reprezentacija GABIH -a imaju pravo predlagati Odboru za vođenje handicap GABIH -a promjenu handicap za određene reprezentativce. Izbornici nemaju pravo mijenjati handicap. Zabranjeni su tzv. izbornički handicapi, bez suglasnosti GABIH -a Odbora za HCP.

Član 24.

Svaki kontakt između klubskih odbora ili ovlaštenih pojedinaca sa HCP centrom GABIH-a , a tiče se HCP-a, je isključivo putem mail-a info@bhgolf.ba

5. SEZONA IGRANJA – VRIJEME ZA IZRAČUN

Član 25.

Vrijeme koje se obračunava za igranje poboljšanog položaja loptice je od 1.studenoga do 31.ožujka U tom razdoblju turniri se ne računaju za promjenu handicap. Iznimka su turniri koji se igraju u organizaciji klubova, članova GABIH -a, na igralištima koja omogućuju normalno igranje. U tom slučaju, klubovi moraju poštivati pravilo za prijavu turnira koji se obračunavaju za promjenu handicap. Mjesečni dodatak se ne računa u tom periodu.

Član 26.

U slučaju posebnih uvjeta za igru na određenom igralištu, uprava dotičnog igrališta može zatražiti od Odbora GABIH -a da se dopusti igranje sa slobodnim pomicanjem loptice.

5. KOJI SE TURNIRI RAČUNAJU ZA PROMJENU HANDICAPA

Član 27.

Svaki turnir koji se računa za promjenu handicap, mora biti uredno prijavljen 5 dana prije na PORTALU www.bhgolf.ba. Ako turnir nije prijavljen portalu ne računa se za promjenu handicap. Dovoljan je godišnji ili mjesečni popis turnira dostavljen Portalu.

Član 28.

Ako klub organizira turnir u inozemstvu, mora ga također prijaviti na redovitim stranicama GABIH -a, želi li da se taj turnir obračunava za promjenu handicap. Klub je obavezan dostavljati rezultate na mail info@bhgolf.ba.

Član 29.

Za svaki turnir koji se računa za promjenu handicap, organizator je dužan osigurati suca i natjecateljski odbor koji je sastavljen od 3 člana. Sudac može biti i član natjecateljskog odbora. Natjecateljski odbor mora za vrijeme turnira biti na terenu. U slučaju posebnih handicap turnira, klub je dužan imenovati natjecateljski odbor za cijelu sezonu, s time da se u trenutku turnira mora na igralištu nalaziti barem jedan član odbora.

Član 30.

Vodstvo igrališta i organizator turnira dužni su objaviti rezultate turnira, koji se računa za promjenu handicap, isti dan ako su rezultati proglašeni valjanima. Vodstvo igrališta i organizator turnira dužni su odmah nakon završetka turnira (prikupljene sve kartice igrača) objaviti rezultate, tako da igrači mogu prijaviti pogreške u obračunu istih. U slučaju da igralište ne pošalje rezultate GABIH -u isti dan, turnir se više ne računa za promjenu handicap i briše se iz središnje baze GABIH -a.

U slučaju da se turnir igra dva ili više dana, način igre stableford, poslije završetka određenog dana moraju se poslati rezultati PORTALU kako bi se ustanovili novi HCP-i igrača koji učestvuju na turniru i slijedeći dan startati sa novim HCP-om kako bi se mogla zadovoljiti Netto igra. PORTAL je obavezan objaviti rezultate na www.bhgolf.ba isti dan do 00:00 sati ili najkasnije sat vremena prije starta drugog dana igre. Isto vrijedi ako se turnir igra 3 ili 4 dana.

Član 31.

Način igre koji se obračunava za promjenu handicap su stroke i stableford.

Član 32.

GABIH može donijeti odluku o uvjetima za organizaciji posebnih turnira za promjenu handicap u skladu s valjanim EGA Handicap sustavom.

6. ORGANIZACIJA LIGAŠKIH NATJECANJA

Član 33.

Organizator lige (svih razina natjecanja) pod okriljem GABIH -a, dužni su objaviti rezultate natjecanja, neposredno nakon završetka natjecanja te poslati iste u središnju bazu za obračun handicap. Za obračun handicap smije se upotrebljavati samo programska oprema koja ima potvrdu GABIH o usklađenosti. Potvrdu izdaje GABIH.

7. SANKCIJE

Član 34.

Prekršaje u vezi s ovim Pravilnikom rješava Časni sud GABIH -a.

Član 35.

Postupak u slučaju kršenja ovog Pravilnika i disciplinskog Pravilnika GABIH -a, ima pravo voditi i klupski Odbor za vođenje handicap ili disciplinski Odbor kluba u skladu sa Statutom ili Pravilima kluba. U slučaju da klupski Odbor za vođenje handicap ili disciplinski Odbor kluba donese presudu o kršenju pravila i onog tko je to učinio, član, kojem je izrečena kazna ili druga mjera, ima pravo žalbe predsjedništvu kluba ili nekom drugom tijelu kluba, čija je odluka konačna. U slučaju da o prekršaju pravilnika odluči Odbor za handicap GABIH -a, član kojem je izrečena kazna ili druga mjera ima pravo žalbe Sudu časti GABIH -a.

8. PRIJELAZNE I KONAČNE ODLUKE

Član 36.

Od 1.siječnja/januara 2010. uvodi se EGA način vođenja handicap, S tim datumom se preuzimaju pravila koje zahtijeva sustav vođenja prema EGA sustavu. Pravila će biti objavljena na **www.bhgolf.ba** koja je službena stranica GABIH-a i zadužena za evidenciju HCP-a.

Član 37.

Izračunati handicapi koji su ubačeni u središnju bazu GABIH -a i nalaze se na Portalu **www.bhgolf.ba**, na dan uvođenja ovog Pravilnika, smatraju se valjanima. Osim, ako u roku 30 dana od dana njegova uvođenja, Odbor za handicap GABIH -a ili Klupski Odbor za handicap, na vlastitu inicijativu, ne prijavi da je izračun nekog od članova bio nepravilan prema istom Pravilniku. Svaki igrač u svakom trenutku može da provjeri svoj HCP putem Portala i da pristupi osobnom HCP centru.

Član 38.

Klubovi su dužni dostaviti GABIH-u odluke o imenovanju odgovarajućih Odbora ili lica, najkasnije u roku 30 dana od dana objave Pravilnika. U slučaju da klub ne dostavi odluke o osnivanju Komisije za vođenje

handicapa, smatrat će se da nema svo Obdor i sva nadležnost prelati na Odbor za HCP GABIH-a.

Član 39.

Odbor GABIH -a dužan je, najkasnije u roku 90 dana od prihvatanja ovog Pravilnika, riješiti potvrdu o poznavanju pravila vođenja handicapa, odnosno ispita stečenih znanja.

Član 40.

Ovaj Pravilnik stupa na snagu danom objave na službenim stranicama GABIH -a.

Sarajevo, 15.03.2010.

Broj 4/2010

Predsjednik GABIH-a

Jasmin Selmanagić